

# Vågå Historielag: Årsmelding 2023

## Arrangement

Historielaget har i samarbeid med Gudbrandsdalsmusea hatt mange foredrag / kveldsseto Jutulheimen. Kari Aasgaard og Dag Aasheim fortalde om orgla som har vore i Vågåkyrkja, medan Trygve Hesthagen prata om fising i Vågå. På årsmøtet var det tema om gard og slekt. Nils Valde og Kristin Akslen Hagen viste gamle bilde og fokuserte på det omfattande dugnadsarbeidet som pågår med skanning av bilde som blir utlagt på nett. Victoria Nor tok for seg tekstilar i samband med utstilling på fjøstrevet, Kirsten Visdal prata om utstillinga om mat, og Heidi Karsten hadde tema om bunad og damaskkjolar. Kjell Løkken viste bilde og fortalde om faren Svein Løkken som kjørde drosje. Jakup Skjedsvoll tok for seg korleis det kom folk til Skogbygda att kring 1600, Oddvar Romundset fortalde om dei reisande, og Ole Nashoug lanserte bok om mammut. Mette Vårdal fortalde om korleis jula har utvikla seg, medan Tone Brun og Unni Bøyum Kluge fortalde om Per Haugen som laga inventar til Skåbukyrkja.

Historielaget var med og arrangerte slåttekurs i Nordherad med Jo Kåre Bakke og kulturvandring på Skårvangssætrene der Eirik Haugen viste plassen der det var uttak av bryne, og seinare var det slåttedag i Ullinsvin. Historielaget var i oktober medarrangør av seminar og kveldsseto i Ullinsvin om Ragnvald Skrede.

## Jutulheimen

Det er Gudbrandsdalsmusea as som står for drifta av Jutulheimen. Vågå Historielag er aksjeeigar i Gudbrandsdalsmusea as og er aktivt med i planleggjing og drøfting av vedlikehald, drift og utstillingar. Med støtte frå Gudbrandsdalsmusea er det utført restaurering av bad i vaktmesterbustaden. Del av botnstokk på svala til Sundstugu er skifta. Mykje av stell og brøyting er utført på dugnad.

## Prestgarden

Brannalarmen i dei freda husa er dette året erstatta med nytt anlegg som er tilknytta alarmen i utillingsbygg, Stiftelsen UNI har gjeve tilskot til dette. Vindaugo i hovudbygningen og paktarhuset er restaurerte og måla. Stabburet, aurbua og reisten av låven er rydda og teke i bruk til utstillingslokale. I stabburet var det oppretting av golv og trapp. Både i låven og stabburet vart det laga rekkverk i andre etasje samt installert utstillingsljøs. Det er lagt skifergolv i aurbua og tregolv i delar av skålen. I utstillingsbygget er taket kvitpigmentert og det er montert lydempingsplater. Kulturrådet og fylkeskommunen har gjeve tilskot til oppgradering, men svært mykje av arbeidet med vedlikehald og oppgradering er utført på dugnad.

Kommunen er hovudaksjonær i aksjeselskapet Galleri Ullinsvin AS, historielaget og husflidslaget har mindre eigardelar. Galleri Ullinsvin AS har stått for galleridrift i utstillingsbygget og låven, og brukt paktarhuset til kafe. Gudbrandalsdalsmusea hadde utstillingar i fjøset, på trevet, i aurbua og på toppen av låven. Husflidslaget brukar delar av

hovudbygningen og har stor aktivitet der. Ullinsvin hadde svært mange besøkjande dette året. Samarbeidsutvalet for Ullinsvin der alle aktørane er med, arrangerte julemesse med utstillingar og aktivitetar med godt besøk. Samarbeidsutvalet arrangerte også saterdag i Russlien og fest for dugnadsgjengen.

### **Prestgardshågein**

Hagegruppa i historielaget er organisert slik at ansvar for stell, lukiing, vatning mm. er fordelt for kvar veke. Hagen har fungert godt som ein del av tilbodet i Ullinsvin saman med utstillingane. Kari Hølmo Holen (leiar), Magnhild Råstad og Ågot Råstad har leiinga av hagegruppa. Ei eige utomhusgruppe har stått for plenklipping samt raking og rydding både i hagen og på tunet i Ullinsvin og Jutulheimen. Det er dette året kjøpt robotklyppar til tunet.

### **Ullinsvin AS**

Det heileigde selskapet Ullinsvin AS er eigar av nybygget i prestgarden. Kjellaren husar museumsmagasin og arkiv. Gudbrandsdalsmusea AS står for drifta av magasinet. Galleri Ullinsvin AS brukar utstillingsbygget. Ullinsvin AS har same styre som historielaget.

### **Laget elles**

Frå årsmøtet 15. mars 2023 har styre vore dette:

styreleiar Knut Raastad, nestleiar Dag Aasheim, styremedlemmar Rønnaug Siem Hammer, Steinar Løkken og Elin Grev, varamedlemmar Ola Stokstad, Ågot Råstad og Mette Vårdal. Det har i året vore 10 styremøte, og varamedlemmane møter på lik line med styremedlemmane. Laget har 430 medlemmar.

Revisorar er Astrid Sandbu og Gunnar Sandbo.

Valnemnd er Reidunn Snerle, Jakup Skjedsvoll og Eirik Haugen.

Trond Ole Haug er styremedlem i Gudbrandsdalsmusea as.

Jens Hagen er styremedlem i Galleri Ullinsvin AS.

Historielaget er medlem i Gudbrandsdal historielag Dølaringen, Knut Raastad er revisor der. Nils Valde styrer heimesida [vaagaa-historielag.org](http://vaagaa-historielag.org), og skannar og legg ut innsamla gamle bilete på [www.flickr.com/photos/vaagaa-historielag/albums](http://www.flickr.com/photos/vaagaa-historielag/albums). På heimesida er det ei mappe med gards- og slektshistorie.

God oppslutning om frivillige medlemspengar gjer utgjeving av årsskriftet Jutulen mogleg med utsending til alle medlemmane, i tillegg er skriftet utlagt for salg. Historielaget kostar pynting av gravene til Ivar Kleiven, Trond Eklestuen og Jo Gjende.

Pulløybua er bortleigd som anneks til nabohytta. Nordheradsprosjektet disponerer Flåten. Buene ved Gjendeosen vil kunne lånast ut til historielags-medlemmar. Styret takkar samarbeidspartar og medlemmar i laget for god hjelp og støtte i året 2023.